

INFORMATIVE DAÛR DAL ART. 13 DAL REGOLAMENTO UE 2016/679 (GDPR)

TITULÂR DAL TRATAMENT

Il titulâr dal tratament dai dâts personâi al è la ARLeF – Agjenzie regionâl pe lenghe furlane (di chi indenant ancje “ARLeF” o “Agjenzie”), cun sede in vie de Prefeture n°13, Udin (UD). Pal esercizi dai dirits ricognossûts dal REGOLAMENTO (UE) 2016/679 (di chi indenant “GDPR” o “Regolament”) o par domandâ cualsisei sciariment sul tratament dai dâts personâi, si pues contatâ il Titulâr a chescj recapits: telefon (0432 555812), e-mail arlef@regione.fvg.it. Il Titulâr al à nomenât un Responsabil de Protezion dai Dâts, che si pues contatâ a chest recapit: dpo.arlef@regione.fvg.it.

FINALITÂT E FONDE JURIDICHE DAL TRATAMENT

ARLeF e à realizade une iniziative leade ae distribuzion dal lunari 2023, che al vignarà regalât (e mandât a cjase) ai prins 100 utents che a inviaran un messaç di pueste eletroniche ae direzion info@sportelfurlan.eu

Par podê procedi, a chei che a partecipin ur ven domandât di comunicâ non, cognon e recapit (vie, n. civic, Cap, Comun e Stât). La fonde juridiche di chescj trataments e je chê indicade tal art. 6, pâr.1, letare b) dal GDPR (tratament pe esecuzion di un contrat là che l'interessât al è part o pe esecuzion di misuris precontratuâls cjapadis sù daûr de sô domande).

CONFERIMENT DAI DÂTS E CONSEQUENCIS DI UN EVENTUÂL DINEI

Il mancjât conferiment dai dâts domandâts al fâs in maniere che il Titulâr nol puedi lâ indenant tal tratament di dâts pe finalitât segnade ca parsore.

CATEGORIIS DI DESTINATARIS DAI DÂTS PERSONÂI

A podaran accedi ai dâts personâi dome personis autorizadis al tratament e sogjets che, tratant dâts par cont dal Titulâr, a sedin stâts nomenâts tant che Responsabii (par esempi: furnidôrs di servizis informatics, telematics e tecnologjics). Chescj sogjets a àn di tignî il segret e la riservatece ancje su la fonde dal regolament interni di pueste.

TRASFERIMENT DI DÂTS PERSONÂI IN PAÏS TIERÇS

I dâts tratâts pes finalitâts ripuartadis parsore no saran – par regule – trasferîts fûr dal Spazi Economic European. Tal câs che al vedi di coventâ (ancje par vie dai struments informatics che a son doprâts), il Titulâr al garantis che il trasferiment al vignarà fat tal rispjet des cundizions specificadis tal Cjapitul V dal GDPR, e in particolâr:

- Articul 45, Trasferiment par cuistions leadis a une decision su la justece;
- Articul 46, Trasferiment sogjet a garanziis justis;
- Articul 47, Normis vincolantis di imprese.

CRITERIS DI CONSERVAZION DAI DÂTS

I dâts personâi a son tratâts pal timp che al covente par rivâ a realizâ lis finalitâts leadis ae lôr racuelte o par cualsisedi altre finalitât legjitime colegade. Sì che duncje, se i dâts personâi a son tratâts par finalitâts diferentis, a vignaran conservâts fin che no scjadarà la finalitât cul tiermin plui lunc; dut câs chescj dâts no saran plui tratâts pes finalitâts che il lôr periodi di conservazion al è scjadût.

I dâts personâi che no coventin plui, o che no son sogjets a un supuest juridic pe lôr conservazion, a diventin anonims in mût ireversibil (o cancelâts in maniere definitive). I dâts personâi furnîts a saran conservâts par une dade di timp fissade daûr criteris di necessitât strente su la fonde des svriadis finalitâts che si cîr di otignî, intal rispjet de

normative in vore in materie di protezion dai dâts personâi, in conformitât cu lis normis su la conservazion de documentazion amministrative, daûr logjichis di tutele dai dirits dal Titulâr (tiermins di prescrizion): intal câs specific i dâts a vignaran conservâts pal timp che al covente par verificâ che la spedizion e sedi lade a bon fin.

DIRITS DAL INTERESSÂT

L'Interessât al à dirit di domandâ:

- l'acès ai dâts personâi e aes informazions (art. 15 dal GDPR);
- la lôr retifiche o la cancelazion (articui 16 e 17 dal GDPR);
- la limitazion dal tratament dai dâts personâi (art. 18 dal GDPR).

Cun di plui, l'Interessât al podarà:

- oponisi al tratament dai dâts personâi daûr des cundizions e intai limits dal art. 21 dal GDPR;
- esercitâ il dirit ae puartabilitât dai dâts (art. 20 GDPR).

Par chel che al tocje lis operazions di tratament che a àn tant che fonde il consens (daûr dal articol 6, paragraf 1, letare a), e dal articol 9, paragraf 2, letare a) dal GDPR), l'Interessât al à dirit di revocâ il so consens in cualsisei moment (cence rindi ilegitim il tratament leât al consens dât prime de revoche). Infin, tal câs che l'Interessât al calcoli che il tratament dai siei dâts personâi al ledi cuintri dal GDPR, al à dirit di proponi un reclam a une autoritât di control (Garant pe protezion dai dâts personâi o altre autoritât competente) daûr dal articol 77 e seguitîfs dal GDPR.